



受心火能燒功德

行善道忍底護真心

所念惡如日雲西復後念善似日而略

題忍字

安忍波羅密萬行從此成

僅志能與所當下證無生



祇陀開山大智禪師偈頌

佛誕生

門人

光嚴等

編



閻浮八萬四千城 不動于戈致太平

活捉瞿曇白拈賊 雲門一棒不虛行

佛成道

歷劫操持成法身 體如明鏡淨無塵

老僧用箇翳睛術 教爾面南看北辰

大智禪師

同

果滿三祇道始成
放光動地度群生
一聲鷄唱五更月
枕上誰人夢未醒

同

蘆葦年々膝下青
死中未活可隣生
星移斗轉處開眼
不做空山鬼叫聲

佛涅槃

柳暗花明二月春
雙林示寂趣泥洹

兜羅綿布不能蓋
露出紫磨金色身

出山相

耿耿青夫夜夜星
瞿曇一見長無明
下山路是上山路
欲度衆生無衆生

達磨

南天太子氣如王
傳佛心宗救此方
凜凜真儀猶可覩
爐燒柏子起煙香

魚籃

翠黛畫眉纖月淡
春風滿面小桃紅
見人放下籃兒去
三十六鱗皆化龍

雁山諾喉羅尊者

擲筆峰高對展旗
分明薦取目前機
不知打濕袈裟角
終日貪觀瀑布飛

布袋和尚

閻浮樹下日當午
堯史宮中天未明
十字街頭休瞌睡
元來大地沒衆生

栽松道者

寸苗拈向鑿邊栽
祖意親參活句來
雲鎖雙峰千仞勢
莫云借宿女兒胎
不落不昧話

迦葉佛時先百丈
分明今日野狐精
諸方若是覆盆下
此話更參五百生

百丈野狐話

錯時直須徹底錯
親時更要徹底親

不落不昧論來久，何曾夢見野狐身。

應真不借

念念交加見變通，相隨來也各西東。

六根竟日對前境，錦上鋪花知幾重。

卽心卽佛

一棒一痕知痛痒，卽心卽佛沒商量。

塵埋三尺吹毛劍，夜夜神光射斗傍。

非心非佛

非心非佛話頭翻，四海禪流著眼難。

跳得簸箕唇外出，何妨赤腳走刀山。

拈花話

世尊拈出一枝花，迦葉無端眼著沙。

四七二三傳寐語，青天白日誤人多。

聖諦不為

聖諦不為階級無，龍離潭水鳳蒼梧。

見聞一一隨他去，日用都如共覩驢。

無情說法話一首

無情說法有情聽，風搖寒林葉滿庭。
墻壁無人卻有耳，燈籠露柱且低聲。

同

人倚欄干月在天，月轉山來上床眠。
夜深枕子撲落地，無端打破常任博。

趙州狗子話

趙州狗子佛性無，也勝貓兒十萬陪。

不信試去園裏看，冬瓜何似葡萄大。

雲岩弄師子話

弄出金毛師子兒，從空放下露全威。
置時師子在何處，匝地清風只自知。

玄路

空王那畔絕知音，消息分明無處尋。
黃閣簾垂人不待，紫羅帳外月沈沈。

鳥道

翻身要到劫空前
步步須行鳥道玄
眼見耳聞無滲漏
不妨聲色裏安眠

展手

驗人眼正在機前
教外須知有別傳
不涉廉纖進一步
長安大道直如絃

不依倚一物

全身獨立劫空前
朕迹猶存一色邊
萬丈寒潭光射透
月明驚起毒龍眠

卽心卽佛

現成公案沒商量
樂苦冰寒不覆藏
保護卽心心卽佛
眉間日夜放毫光

奪人不奪境

玉簫聲斷月明中
古殿深沈侍立空
門外春光閑不得
青旗吹動柳絲風

透法身句

如何是透法身句
北斗藏身還見麼

六六不成三十六，可憐種粟卻成麻。

隨所自在

忘卻瀉山某甲名，驢胎一出馬胎生。

誰知異類中行路，鷲下寒汀立月明。

金書華嚴

九九元來八十一，南詢不涉路昭曉。

一毫頭上知端的，萬兩黃金也合消。

讀法華

破微塵山大經卷，七軸琅函豈足放。

真箇靈山無說說，鴉鳴鵲噪幾時休。

覽永平和尚之坐禪箴

坐佛何如殺佛機，乃翁毒手許誰知。

真箇不悞真金貴，磨凡竟無成鏡時。

看真歇和尚語

玉兔推輪半夜天，金鷄報曉五更前。

千年古曲無人調，誰把鸞膠續斷絃。

跋真歇和尚拈古

真空歇盡透玄微，獨弄單提向上機。

三祖膏肓必死疾，從頭一下針錐。

覽投子語

寂住峰頭唱祖宗，威音劫外展家風。

當年父子不相見，血脉從何得貫通。

賀永平正法眼藏到來

正法眼藏涅槃心，一二三四七密單傳。

吉峰路入鳳山塢，又見異苗長淡煙。

宿龍翔真歇堂

鳳宿龍巢二百年，空江冷浸月明天。

白頭子就黑頭父，一曲新豈續斷絃。

謝太元天子詔許還本國

萬里北朝宣玉詔，三出東海送歸船。

皇恩至厚將何報，一炷心香祝萬年。

游天冠山華嚴境

天冠山從青螺髻
朵朵千峰疊翠巖
若見毘盧真境界
善財不走百城南

破船時呈高麗王

曠劫飄流生死海
今朝更被業風吹
無端失卻歸家路
空望扶桑日出時

呈雙溪大師

咫尺卻成千里隔
再來相見恐無期
可憐一隻籠中鶴
不放天涯自在飛

高麗游白蓮社

千峰頂上白蓮社
十里松門入更深
僧舍不留塵世客
一輪明月照禪心

松吟菴

蒼龍吼破屋頭山
不向透關不透關
側耳清風開眼月
幾人來倚曲欄干

瀑泉

潄潄流出亂雲堆
一脈分成兩派來

擬問根源何處起

怒雷吼破萬尋崖

大徹堂

重重金鎖是疑情
纔入門時先見額

截斷何妨掉臂行
是誰眼裏著無明

眺望院

西風吹雨弄新晴
回首九重天外立

雲披青銅宇宙清
眼高常與月爭明

等接軒

大坐當時正令行
不論冷例不冷例

接入手段出常情
來者等看山色青

臺嶋

蘆雪混邊水合空
一條古路入閒外

蓬瀛何必玉壘中
不斷風吹岸下松

鷺尾看花

靈鷲山頭花一枝
瞿曇信手輕拈出

手標彈麈衆芳奇
無限香風狼藉吹

笠津遠望二首

トクルヤハラツ

蓬窓冷對一江秋
智境融時見處周
岸上青山雖不動
波心明月去隨流

同

性海無風寶鑑明
猿啼未定第三聲
寒濤打破蒼崖月
萬仞峰頭無路行

雪後上比良山

萬頃湖波萬頃寒
回頭四遠望湖山

銀盃盛雪三千丈
突出瑤瑤盆上看

水月菴二首

聞思修入二摩地
五五圓通一念觀
永夜清風翻白月
松聲長似雨聲寒

同

毘盧海上起波瀾
江片松風永夜寒
箇箇面前觀自在
个人一座補陀山

蘆月菴二首

長竿獨坐寒岩草
一色功中轉歲華
昨夜長鯨吸海盡
珊瑚枝上月團團

同

洞上宗風最尊貴
何勞默默守功勳
麒麟制斷黃金鎖
獨步丹霄五色雲

富士山

巍然獨露白雲間
雪氣誰人不覺寒
八面都無向背處
從空突出與人看

賀覺菴和尚淨土寺建方丈

荷負如來大法材
宗門有力整傾頹
空中怪聽鳴金錫
莫是胡僧請法來

笠津和韻

雨笠煙蓑客情幽
江湖幾度去還留
竿頭截盡重栽竹
欲釣鯨龍下二鈎

無漏接待

聖凡一等接
飽飯鳧鷖鷓

大宛見佛錄

下片凡生海

幾家人上樓

病南谷蒼有感三首

薄霧輕霞翼御樓
宸閣秘殿冷如秋

珊瑚池上照明月
八七翁翁輟綉球

同

靈山付屬正法眼
祖祖相承奮正傳

衆角雖多一麟足
青原門下得希遷

同

洞上家風續正傳
金針暗把線透穿

從此陽廣山前草
滿地靈苗暖如煙

辭源長老

月冷蒼梧鳳不栖
夜深金殿侍臣歸

可憐陽廣山前草
不見異苗翻茂時

上瑩山和尚三首

蓮華臺上舍那身
天上人間稱獨尊

七佛以前通血脉
釋迦彌勒是兒孫

大宛見佛錄

三

同

六代傳衣到野僧
千年繼踵領南能
確春日久工夫熟
祖室堪挑無盡燈

同

蓮化門中表嗣承
天南地北覓寬憎
誰知父子相逢處
古鏡臺前不借燈

寄廣首座

煙霞影裏去藏身
不踏人間些許塵

把一莖苑蓋頭住
爲誰分與半閒雲

喜僧自太元至

中原探盡西來意
萬里橫航一葦回
喜見七郎峰下手
寒岩枯木又花開

寄箏持古先和尚三首

百衲禪僧二十餘
三條椽下作工夫
滿城花柳春風外
淡墨愛看山水圖

同

昔年未了舊公案 今日全提一嘆中
八月暑雲飛不散 本岸樹下立秋風

同

參得中峰本分禪 以人眼正別無傳
等渠死卻偷心了 絕後甦來揮一拳

上源元師

驀撥相逢喚便應 靈山付屬未嘗輕
孫枝枝上生枝葉 億方斯年蔭祖庭

寄道人

志慕竺乾林下坐 人間百事已忘懷
山中有箇安禪石 來折松枝拂綠苔

會道友

室惜烟燒濕薪 相逢無主亦無賓
大慈橋畔分携後 莫謂已經一祀春

寄弘宗菴主

雪覆厖眉年已邁 宗門無力整衰頽

山山松栢都栽遍 借宿周家急再來

上東明和尚

洞家春色興將闌 一徑苔封到者難
只有杜鵑枝上語 夜深獨自哭空山

寄入二首

口似醉人心似月 回途乘手入鄜時
無明山上太法炬 煩惱海中船筏師

同

孤峰頂上不曾住 古渡頭邊拽水泥

一極悲心徹三世 甘堪苦海作船師

祖庭

西來的的意如何 少室山高積雪多
斷碑師僧歸去後 一方明月落誰家

月堂

玉輪碾破九重天 万里秋光在目前
誰坐廣寒宮殿裏 夜深捲上水晶簾

太虛

曠大劫來空索索
了無相貌與人覷
四維上下不容髮
日炙風吹十二時

玉礪

一脉琅琅混底清
要知冷煖便取生
及乎如水洗頑石
方見岷山天外青

月江

靈光燦破塵沙海
無欠無餘只一輪

萬里無雲天似洗
汨羅難著獨醒人

曲江

水天秋合月彎彎
兩岸青山一帶烟
招手不來便超去
神珠暗把蟻絲穿

月堂

十上一欄于秋下樣
光非照境境非存
及乎光境俱忘處
玉兔挨開碧落門

心月

三星圍遶，一輪秋。
萬里天開，爽氣浮。
禿髮寒山，題不上。
石屏駐筆，橫眉頭。

雲山

一林橫逸，萬仞峰。
潛竒掩勝，幾重重。
直饒行到無心地。
未出青青暗暗中。

渠川

不落不昧，平處嶮。
不落不昧，嶮中平。
大雄峰下，一條路。
誰輟野狐，群隊行。

竹菴

琅玕邊屋，響音無時。
六尺垂陰，翠打圍。
葦曲葦斜，依位住。
各教風雨，說家私。

桂岩

二株垂蔭，斷崖前。
無限香風，滿九天。
山谷不攀，巖嶮路。
娘生鼻孔，被他穿。

心田

又手當胸，只這箇。
租翁片地，未荒蕪。

二五三四七傳來久 不許別人舉紫書

桂堂

金粟如來向上關 秋風影裏絕遮欄
從來吾莫隱于汝 夜夜清光入牖寒

坦翁

家風不聳立孤危 平地深藏陷廟機
八十五季身是我 懶將黃葉止兒啼

南叟

奪得黃梅夜半衣 傳來佛法沒些兒
是他慶快平生處 只有東村王老知

同菴

蓋覆虛空架起成 從來共住不知名
伊予全沒些巴鼻 春至階前見脚青

石室

門庭苔滑沒蹤由 入得還他第二籌
鑄做佛時先著眼 六窓有箇睡獼猴

古燈

昔日靈山正法眼
聯芳續焰至今傳
龍潭吹滅不曾滅
無限靈光輝大千

枯木

放下全身倚斷崖
風磨雨洗幾千回
皮膚脫落有真實
刀斧從教斫不開

人處

高而無上廣無涯
天地如何覆載仔

徧界不藏空索索
從他日炙與風吹

無覓

道也須臾不可離
可離非道莫尋思
且看百丈下堂句
喚便回頭是何誰

玉泉

秋沈古澗湛無波
瞪目遭人檢點多
掬水漏卮猶易滿
白珪之玷竟難磨

覺天

始本元來只下心
水寒藤苦莫推尋
無明雲翳難逃處
一且虛空不掛針

無禪

達磨不曾來東土
神光不亦往西天
可憐汝等墮酒漢
千里尋師結怨冤

默山

從來妙唱不干舌
石裂崖崩未足辭
摩竭當時行此令
崔嵬突出下尖頭

松岩二首

尊者將身墮黑山
空花豎眼被他瞞
鶴飛千尺冲天去
月滿舊巢風露寒

同

亭亭千尺拂雲青
雪後始知持節貞
更不懸崖重撒手
風聲認作雨聲聽

悟菴

一聲寒角發煙林
調入梅花不忍聞

寂寂官街無醉客 有誰來扣五更門

默翁

西來直指本無言 開口分明是禍門

莫怪老僧三寸密 晴天遙出怒雷奔

照菴二首

靈光不昧鬪體前 錯認單明一色邊

半夜閉門推月出 起衣放倒一床眠

同

晝見日兮夜見星 當軒太坐眼又明

東西四七二二三 入此門來滅一燈

寶山

法界圓融藏海寬 須彌百億現毛端

七金五岳皆朝揖 八萬由旬削五寒

鏡關

八金剛杵擊難開 一鏡何曾破的來

若具入門辨主眼 銀山容爾轉身回

默山

理盡詞窮離語言
眸凝幕幕幾煙雲
虛空迸裂須彌碎
靠倒維摩不二門

玉峰

秘在形山那一寶
騰今耀古發光輝
懸空一擊擊碎了
八面玲瓏露險機

隱山

泥牛闖入海中時
消息渾無地草鞋

救得這般檐板漢
藕絲孔裏上須彌

虛菴

重三疊疊變成五
一位何曾屬正偏
半夜月圓當戶照
屋簷頭上別無天

絕同

走過枯木岩前路
轉卻單明一色功
類不齊兮混不得
蘆花明月九江風

鏡山

仰彌高處鑽跡固
打硬工夫百煉時
萬仞懸崖進一步
針鋒突出五須彌

畫橋

兩岸蒼煙山有色
一川明月水無聲
毫端點出機前路
人在虹蜺背上行

無方二首

單單參得趙州禪
只守一隅欠轉路
回首淨幢三剎表
直下直南看北斗

同

法界圓融歸一念
重重華藏眼中花
善財若是真男子
百十城南不問他

圓觀

太虛不蔽片雲遮
幻翳猶生眼裏花
打破鏡來重鑄像
看來一點不瞞他

照菴

透脫法身二種光
豎拳消息百商量

當陽至鑑難逃處

未入門來勤賊賊

雪中懷古

滿庭積雪白漫漫

已覺風威徹骨寒

良久無言重佇立

此心擬向那邊安

雪中示寂山五首

一夜庭前三尺雪

寒威徹骨立人稀

小林斷臂得隨旨

只許拚身來者知

同

虛空粉碎化微塵

大地平沈不見人

枯木乍開花一點

喚回空劫已前春

同

珠簾捲起水晶宮

冷坐洞然明白中

半夜日輪當午照

從前一色卻成空

同

大地削成白象牙

普賢毛孔出山河

重重示現神通力

粉碎虛空亂雜花

同

白銀世界玻璃地
更把虛空粉碎看

丁色明邊絕點埃
不萌枝上放花開

示講主歸禪

入海筭沙徒自勞

纔投祖室便知非

寒溫動靜知慚愧

十二時中善護持

因月憶馬祖

八月秋風開本岸

中庭將遇月明時

翁翁八十出場屋

兩兩三三誰小兒

坐中有感四首

心空境寂體如如

日下孤燈獨照時

丁色那邊機轉位

玉樓飛出鳳凰兒

同

枯木岩前坐白雲

冷湫湫地著渾身

鑊牛不喫三春草

吼破寒潭月一輪

同

衲被蒙頭伏萬機
心如牆壁眼如眉
一條古路長荒艸
家破人心何處歸

同

念念無常代謝新
浮生安得久長身
百年三萬六千日
蝴蝶夢中空度春

示人二首

懸崖撒手下工夫
舉覺商量一點無
要見本來真面目
長連床上紫角盧都

同

五蘊山中認主人
一呼一諾自醒醒
無明雜毒入心了
倒瀉黃河洗不清

鳳山山居八首

一抹輕煙遠近山
展成淡墨畫圖看
目前分外清幽意
不是道人俱話難

同

截斷人間是與非
白雲深處掩柴扉

當軒栽竹別無意 祇待鳳凰來宿時

同

名韃利鎖留不住 曉跡煙霞水石中
折脚鐺兒煎野菜 住山自効古人風

同

脚屋單丁二十年 未持丁鉢望入煙
千林果熟攜籃拾 食罷溪邊枕石眠

同

萬象之中獨露身 更於何處著袈裟

回首獨倚枯藤立 人見山兮山見人

同

焚香獨坐長松下 風吹寒露濕禪衣
有時定起下雙湖 瓶汲五更殘月歸

同

空林卓錫小幽栖 冷淡家風實可悲
荷葉滿池無線補 白雲為我坐禪衣

同

終日撥柴連水中，分明顯露主人公。
三千日月觀成敗，坐斷須臾第一峰。

因事三首

曾慣南能避世難，輕辭雲水下人間。

一甌一鉢隨緣住，到處無心便是山。

同

幸在福田衣下身，乾坤贏得一幽人。

有緣卽住無緣去，一任清風送白雲。

同

一鉢隨緣度歲華，禦寒亦有袈裟衣。

無心常伴白雲坐，到處青山便是家。

荅洞上宗要

新豐一曲唱家風，白雪陽春調不同。

彩鳳舞風銀漢曉，祥雲半掩紫微宮。

鎮西道中有感

祖道嗟看日自衰
西風幾度淚沾衣
蚌腸含月深深意
水遠山遙說向誰

偶作二首

倒騎佛殿入燈籠
逆順門中有路通
頂上鍊枷重脫下
耳聞秋雨送梧桐

同

翻身踢倒鍊圍山
日月輪邊卻回看
此土西天無佛祖
黑花貓子面門斑

山中偶作

菴內主人菴外參
靜中消息鬧中看
道人未必居雲外
到處無心便是山

示僧二首

瞬目揚眉第一機
拈槌堅拂涉多歧
衲僧相見迥然別
纔上門來隔鍊圍

同

揮斧破柴四五束
提刀擇菜兩三莖

道人受用只如此，有甚菩提道可成。

山居

方袍圓頂做僧形，何用波波競利名。
山上有柴溪有水，林間最好養殘生。

偶作

脫穀烏龜倒上天，須彌山頂翻筋斗。
恰值老僧坐地爐，自燒雀火冷柴芋。

示人

晝入荒村行乞食，夜歸林下坐安禪。
出家親踐古人道，糞掃許他迹葉傳。

城中偶作

三界悠悠不定蹤，或居林下或城中。
花街柳巷東西走，古跡楊塵勃勃風。

偶作二首

萬兩黃金散面前，千条翠柳鎖輕煙。
娑婆世界無寒暑，七佛遺蹤在竺乾。

同

寂光明土娑婆界
浩浩村歌兼社舞

色裏膠青水上波
負恩者少報恩多

示僧二首

五蘊山中認識神
根塵四大共消落

堪悲喚作本來人
萬象之中獨露身

同

掀翻地軸與天關

未免瞞人卻自瞞

敲落遼天鼻孔了

枯來換卻竹筒看

示明照大師

大千沙界一蒲團
堪嘆少林胡達磨

萬別千差裏許看
九竿面壁太無端

聽竹

一擊聲中忘所知
夜來風撼庭前竹

分明更不假修持
莫是香巖落節時

送僧禮石橋

遠訪天台五百僧，六環搖月去飛騰。
冤憎會苦難迴避，莫看千峰疊碧層。

送僧之太元

大唐國裏訪禪師，正值天寒雪片飛。
看爾蒸沙做飯喫，幾時一飽百年飢。

送僧之京二首

烏雞生出玉鸚鵡，飛上丹霄化鳳雛。
猶有二段公案在，白雲西北是京都。

同

線痕不帶鉢囊花，踏破湖山幾片霞。
有意氣時添意氣，平安九萬八千家。

送禮長老赴天皇請

借伴經過異類中，耕雲種月起家風。
靈機豈隨今時路，蘆雪交光似不同。

送同參

手脚未安本位中，舉心動念逞英雄。

大智度論
是何富士山頭雪

六月皎然玉倚空

送檀之六元二首

冷煖分明只自知
莫將日本真金貴

男兒豈可被人欺
博易大唐金子歸

同

一見青龍港外山

大唐佛法遍吞參

鳥藤物折成兩段

勤破南方五十三

同

蓬萊元是在東海

白白無風浪拍天

不寫上人心即佛

遠浮大舶望中原

送源上人

火種刀耕三十歲

勤勞須效古人風

胸中若蘊英靈氣

他日應興洞上宗

送僧二首

濟北兒孫膽氣麤

胡為不善慎當初

爾今中路歸黃磔

莫近禪床將扇鬚

同

孟冬初五來辭我
東出洛陽城外門
若到諸方恁麼舉
不須問訊謝寒溫

送僧見洞峰

栽松當路礙人枝
未入門先省阿師
三展炊巾禮老朽
知恩豈有報恩時

送行

浙浙秋風葉葉聲
煩君千里問歸程

老僧頻把藕絲繫
示爾離情鏡鑿成

送僧遊大元一首

太白曾經下鄧峰
萬松堪聽起清風
雖然未敢通華語
知識堂前不患龍

同

未跨船舷二十棒
現成公案脫規模
大唐國裏無人斷
急急歸來將扇鬚

送僧之關東

秋老山山黃葉多
路頭一錯去離家
陽關雖遠不曾遠
摩將烏藤看若何

同

洞家一段別無求
飢食困眠萬事休
一樣蘆花明月夜
細看白鳥下汀洲

僧見洞谷和尚

清淨法身活卓卓
分明遍界不遮藏
等他老漢搖三寸
砍倒禪床可下堂

送僧之萬壽

萬壽銷鎚辣更辛
大開爐鑪接來賓
門前一徑多松柏
切忌當頭觸主人

送瞿維那省本師

克賓再去見興化
要索當年饋飯錢
法戰場中得勝了
莫饒臨濟打爺拳

悼洞谷和尚八首

隻履翩翩攜手歸
碧雲深處日沈西

新豐換調無生曲

瑟瑟悲風滿地吹

同

金剛正體赤條條
若是洞山真種草

端的鬪體消未消
枯來火後一莖茄

同

兩處住山三十年
虛空此出廣長舌

曾無一法與人傳
罵雨呵風不說禪

同

紫羅帳外月沈時
頭上花冠拈却了

身貴位高猶可窺
脫珍御服復名誰

同

太用現前無軌則
藕絲窳裏藏身去

出生入死有來由
五老峰前喚點頭

同

萬里風高玉宇清
年年此夜中秋月

婆娑蟾桂吐香新
特地一場愁殺人

同

鳥飛兔走百千年
暑往寒來曠劫前
若謂老師曾滅度
捶胸特地哭蒼天

同

大法猶懸一縷絲
殘膏續燭復憑誰
靈臺一點無私照
記取異苗翻茂時

為洞谷和尚起塔

湖南潭比撒黃金
一句團圓塔樣新

大地撮來無寸土
不知何處葬全身

禮育王塔

八萬四千七寶塔
空山惟有古基留
黃金骨冷無人葬
日炙風吹百草頭

禮足菴和尚塔

宗風唱起乳峰前
雙鎖金針事理全
一夜丙丁吹火滅
一手海岳黑如烟

悼戴家女兒

六印揚眉
三十八

佳人一段好風流
花滿春城月滿樓
露出娘生真面目
綺羅小扇不遮頭

禮永平塔二首

寶殿無人侍立空
紫羅帳合月明中
夜深誰把金針眼
繡出鴛鴦線路通

司

兜樓燒罷又三拜
是官他今不官他
一段恩怨今古斷
青山重疊白雲遮

禮天衣塔

撐破命爺沒底船
葛藤搭子倒多半
只留牙齒一具骨
兩竹風松皆說禪

禮永興開山塔

空堂只見綠苔封
法席無人補祖宗
滿樹落花春過後
杜鵑啼血夕陽紅

悼雪庭和尚

白浪堆中釣錦鱗
煙波江上捲絲綸

扁舟載月歸何處 十里松行不見人

歲晚

歲晚天寒事事窮 窮而變處變而通
今朝臘月二十五 誰和雲門一曲同

中秋有感

萬里碧天雲沒時 一株嫩桂轉光輝
月宮不怕通身冷 要折東南第一枝

半夏示僧

三月安居半已過 二千年遠事如何
若云佛法無靈驗 中夏爭知毒熱多

立春

暖日紅霞襯碧雲 無邊光景一時新
大功不宰東皇化 分付梅花管領春

元旦二首

新年佛法問如何 開口不須說似他
露出東君真面目 春風吹綻臘梅花

同

新年頭有祖師禪
興國正當辛巳年
四海浪平龍眠穩
九州不見起狼煙

開爐三首

十月正當初十日

霜風吹葉滿空階

今朝喚作開爐節

道火何曾燒口來

同

風頭稍硬大家知

且聽商量暖處歸

般若如同大火聚

近前燒却兩空眉

同

世界火爐闊一丈

不知古鏡闊多少

落葉不禁霜後風

猕猴怕寒永夜叫

雪

一夜北風起林巒

虛空碎作爛銀盤

以紛飛究紛飛處

大地從來暈不痕

藕花二首

不乾不濕淤泥裏
不燥不乾離水時
菌苔花開紅一朵
香風萬里襲人衣

同

帝網重重華藏界
一花一國一如來
何如赤肉團頭上
無位真人面門開

筍

萬物生成自有時
叢林不管著鞭遲
春風一夜生頭角
玉立莫非龍鳳兒

栽松

大家普請去栽松
向鑿頭邊自策功
他日寸苗成木樹
蔭涼天下立吾宗

竹篋二首

背觸機前行正令
纜容擬議涉迂回
作家各具腕頭力
奪却拗成兩段來

同

橫拈三尺吹毛劍
背觸機前驗作家

可惜當季省驢漢

親曾投向死邊過

蒲團

百草頭邊祖師意

拈來受用得完全

可憐長慶稜禪客

既弄泥團十五年

袈裟二首

靈山付屬重如山

四七二三擔一肩

直道本來無一物

未應容易與他傳

同

秋風吹起秋雲碧

散作人間大福田

七百高僧爭不得

黃梅獨許老盧傳

鉢盂

黑漫漫地深無涯

不墮黃梅七百群

展盡神通機用活

翻身吞却五臺雲

香合

圓陀陀地無稜角

函蓋相應心裏空

試向爐中通一氣

檀香烟淡散清風

牛

放出瀉山水牯牛

無人緊把鼻繩頭

緣楊芳草春風岸

倒卧橫眠得自由

化燈二首

人人分上不曾虧

一點靈光腦後輝

教爾早知燈是火

無明暗室出多時

同

昔日靈山正法眼

燈燈續焰二千年

大家各出一隻手

祖室光明千古傳

祿三庚午初秋

六角通御幸町西江入

柳枝軒小川多丸衛門

伏水 下板橋 柏樹

金甚 懸 瑞